

KENYATAAN MEDIA

SWM ENVIRONMENT DENGAN KERJASAMA PASARAYA LOTUS ANJUR PROGRAM SE MPENA HARI KITAR SEMULA SEDUNIA 2023

BATU PAHAT, JOHOR, 20 MAC 2023 – SWM Environment Sdn. Bhd. (SWM Environment) dengan kerjasama Pasaraya Lotus's Parit Raja telah menganjurkan Program Pandu Lalu KITAREcycle bersempena Sambutan Hari Kitar Semula Sedunia 2023 di perkarangan ruang parkir Pasaraya Lotus's Parit Raja, Batu Pahat.

Program ini turut mendapat sokongan daripada Majlis Perbandaran Batu Pahat (MPBP) dan Perbadanan Pengurusan Sisa Pepejal dan Pembersihan Awam (SWCorp) Cawangan Batu Pahat dalam usaha untuk menarik minat orang ramai bagi melibatkan diri dengan aktiviti kitar semula dan membolehkan komuniti menjana pendapatan tambahan.

Pengurus Besar Korporat SWM Environment, Mohd Norlisam bin Mohd Nordin berkata, penganjuran program ini merupakan inisiatif SWM Environment untuk meningkatkan tahap kesedaran masyarakat bagi membudayakan amalan kitar semula di kawasan Batu Pahat.

“Program Pandu Lalu KITAREcycle ini juga merupakan cara alternatif kepada komuniti Batu Pahat untuk meletakkan barangan kitar semula mereka. Pihak SWM Environment sangat berterima kasih kepada Pasaraya Lotus's Parit Raja kerana turut menyokong usaha kami untuk memupuk komuniti dalam amalan kitar semula” tambahnya lagi.

Program ini telah berjaya mengumpul sebanyak 2,000 kg barangan kitar semula yang terdiri daripada lebih 25 barangan yang boleh dikitar semula seperti bekas plastik makanan dan minuman, botol pencuci, tin minuman barangan elektronik seperti peti ais, komputer dan bateri.

Program Pandu Lalu KITAREcycle ini telah dilancarkan oleh Yang Berhormat Puan Nor Rashidah binti Ramli, ADUN Parit Raja. Turut hadir, Tuan Ezahar bin Abu Sairin, Yang Dipertua Majlis Perbandaran Batu Pahat dan Tuan Molzairy Yahya, Penolong Pengarah Penguatkuasa SWCorp Batu Pahat.

-TAMAT-



MENGENAI SWM ENVIRONMENT SDN. BHD.

SWM Environment Sdn. Bhd. (SWM Environment) adalah syarikat konsesi yang menyediakan perkhidmatan pengurusan sisa pepejal dan pembersihan awam di negeri Johor, Melaka dan Negeri Sembilan sejak tahun 1995, melalui perjanjian konsesi yang dikawal di bawah Akta Pengurusan Sisa Pepejal dan Pembersihan Awam Negara (Akta 672).

Sebagai syarikat konsesi terbesar di Malaysia, SWM Environment, melalui tenaga kerja yang seramai 12,000 orang, berkhidmat kepada 27 pihak berkuasa tempatan, 1.5 juta premis kediaman dan komersial dengan lebih daripada 5.1 juta orang bagi liputan geografi 28,500 kilometer persegi. Untuk maklumat korporat yang lebih lanjut, sila layari laman web: www.swmenvironment.com.

Dalam usaha mengurangkan sisa janaan ke tapak pelupusan sampah, SWM Environment secara giat mempromosikan program-program alam sekitar yang berimpak tinggi seperti Pengasingan Sisa Di Punca (Separation at Source-SAS), kitar semula dan pengkomposan sisa makanan demi meningkatkan kesedaran awam di kalangan masyarakat umum.

MENGENAI KITARECYCLE

Pada 2018, SWM Environment telah memperkenalkan KITAREcycle, program kitar semula berganjaran di tiga negeri wilayah Selatan Semenanjung Malaysia iaitu Negeri Sembilan, Melaka dan Johor. Program KITAREcycle bertujuan untuk menggalakkan orang ramai melaksanakan aktiviti kitar semula dan berpeluang mengumpul mata ganjaran (Recycling Point = RP) yang boleh ditebus kepada wang tunai melalui perbankan dalam talian. Program KITAREcycle menerima lebih 25 jenis barangan yang boleh dikitar semula seperti kertas, tin aluminium, plastik, sisa elektrik dan elektronik. Orang ramai boleh memuat turun aplikasi KITAREcycle melalui Apple App Store dan Google Play Store. Sila layari laman web: www.kitarecycle.com untuk mendapatkan maklumat lanjut.

Untuk keterangan lanjut, sila hubungi:

SWM ENVIRONMENT HQ:

NORSIDA TASLIM

Pengurus Kanan

Jabatan Komunikasi Korporat & Hal Ehwal Kerajaan

SWM Environment Sdn. Bhd.

Tel : 019 – 255 0908

E-mel : norsida.taslim@swmsb.com

SWM ENVIRONMENT JOHOR:

MUHAMAD BAKHTIAR BIN AZNI

Jabatan Komunikasi Korporat & Hal Ehwal Kerajaan

SWM Environment Sdn. Bhd. (Pejabat Wilayah Johor Utara)

Tel : 07 – 455 6166 / 016 –4240503

E-mel: bakhtiar.azni@swmsb.com